

Расулуллоҳ соллаллоҳу алайҳи васалламнинг бошларидан ўтган баъзи ҳолатлар



14:05 / 28.06.2020 4098

Қарзга ботдингизми?

- Расулуллоҳ соллаллоҳу алайҳи васаллам вафот этганларида совутлари ўттиз соъ арпа эвазига бир яҳудийда гаровда эди.

Фақирликдан қийналяпсизми? Уйингизда егулик озми?

- Расулуллоҳ соллаллоҳу алайҳи васалламнинг уйларида бир неча ойлаб қозон осилмас, олов ёқилмас, таом пиширилмасди.

Фарзандларингизнинг бирортасидан айрилдингизми?

- Расулуллоҳ соллаллоҳу алайҳи васалламнинг ҳаётлик чоғларида Фотима розияллоҳу анҳодан бошқа барча фарзандлари вафот этишган.

Бирор киши сизни камситиб, хўрламоқчи бўлдимми?

- Расулуллоҳ соллаллоҳу алайҳи васалламни бутун бир қавм камситиб, устларига туянинг ичакларини ташладилар.

Сизни қамаб қўйиб, овқат бермай қийнаптиларми?

- Расулуллоҳ соллаллоҳу алайҳи васалламни ўз қавмлари уч йил бир дарага қамаб қўйиб, ўзаро олди-сотди ва бошқа муомалаларни чеклаб қўйдилар.

Кимдир сизни ўлдиришга уриндими?

- Расулуллоҳ соллаллоҳу алайҳи васалламни яҳудийлар ва мушриклар бир неча марта ўлдиришга уриндилар.

Қўшнилариңиздан бирортаси сизга озор беряптими?

- Расулуллоҳ соллаллоҳу алайҳи васалламга бутун бир шаҳар аҳли озор бериб, у зотни туғилиб-ўсган жойларидан бош олиб чиқиб кетишга мажбур қилдилар.

Тишлариңиз оғрияптими?

- Расулуллоҳ соллаллоҳу алайҳи васалламниң урушда рубоий тишлари (олд тишлариниң баъзиси) синди.

Қилмаган ишиниңизни қилди деб сизга тухмат қилдиларми?

- Расулуллоҳ соллаллоҳу алайҳи васалламга сеҳргар, мажнун деб тухмат қилдилар.

Ибодатга дангасалик қиляпсизми?

- Расулуллоҳ соллаллоҳу алайҳи васаллам намозда кўп тик турганларидан оёқлари шишиб кетган.

Ота-онаниңиздан бирорталарини йўқотдиңизми?

- Расулуллоҳ соллаллоҳу алайҳи васаллам туғилмасларидан олдин оталаридан, олти ёшларида оналаридан айрилиб, етим ҳолда униб-ўсдилар.

Бирорта ғамдан, оғир юкдан қийналяпсизми?

- Расулуллоҳ соллаллоҳу алайҳи васаллам даъват ва рисолат юкини устларида кўтариб юрдилар.

Бирор киши сизни ёлғончига чиқариб, гаплариңизни рад этдими?

- Расулуллоҳ соллаллоҳу алайҳи васалламни ўз қавмлари ёлғончига чиқариб, гапларини рад этдилар.

Пайғамбаримиз соллаллоҳу алайҳи васалламнинг бошларига қандай ташвишлар, ғамлар, мусибатлар, қийноқлар, очлик, ташналик, ҳақоратлар ва ҳоказолар тушганини англадингизми?

У зот сиз билан биз умматлари икки дунёда бахтли бўлишимиз учун ана шундай озорларга дучор бўлгандилар.

Аллоҳ таоло севикли Пайғамбаримизга кўплаб саловату саломлар юборсин ва бизни у зоти бобаракотга муносиб уммат қилсин!

Интернет маълумотлари асосида

Нозимжон Ҳошимжон тайёрлади